



Bosna i Hercegovina
Federacija Bosne i Hercegovine
Bosansko - podrinjski kanton Goražde
MINISTARSTVO ZA PRIVREDU

Bosnia and Herzegovina
Federation of Bosnia and Herzegovina
Bosnian - podrinje Canton Goražde
MINISTRY OF ECONOMY

Босна и Херцеговина
Федерација Босне и Херцеговине
Босанско - подрињски кантон Горажде
МИНИСТАРСТВО ЗА ПРИВРЕДУ

Broj: 04 -30-1395-2/24
Goražde, 13.06.2024. godine

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj: 12/03, 34/03 i 65/13), a u vezi sa članom 86. Zakona o turizmu Bosansko-podrinjskom kantonu Goražde („Službene novine Bosansko-podrinjskom kantonu Goražde broj: 9/20 i 3/22) člana 14. Statuta Turističke organizacije Bosansko-podrinjskog kantona Goražde (Službene novine Bosansko – podrinjskog kantona Goražde broj: 1/23) i Odluke o utvrđivanju standarda i kriterija za imenovanje Direktora Turističke organizacije Bosansko-podrinjskog kantona Goražde broj: 03-04-210-2/23 od 10.02.2023. godine, Ministarstvo za privredu Bosansko-podrinjskog kantona Goražde raspisuje:

JAVNI OGLAS
za izbor i imenovanje Direktora
Turističke organizacije Bosansko-podrinjskog kantona Goražde

Oglašavanje upražnjene pozicije;

- Objavljuje se Javni oglas za izbor i imenovanje **Direktora Turističke organizacije Bosansko-podrinjskog kantona Goražde.**

Opis upražnjene pozicije:

- Direktor predstavlja i zastupa Turističku organizaciju Bosansko-podrinjskog kantona Goražde, organizuje i rukovodi radom, donosi Pravilnik o organizaciji i sistematizaciji poslova, predlaže akte koje donosi nadzorni odbor, izvršava odluke nadzornog odbora i preduzima mjere za njihovo provođenje, stara se o zakonitosti rada, odgovara za korištenje i raspolaganje imovinom i vrši druge poslove utvrđene zakonom i statutom.

Direktor se imenuje na period od 4 godine s mogućnošću jednog reizbora.

Kandidat za Direktora mora ispunjavati sljedeće opće uslove:

- da je državljanin Bosne i Hercegovine,
- da je stariji od 18 godina,
- da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od 3 (tri) godine prije dana objavljivanja upražnjene pozicije,
- da se na njega ne odnosi član IX.1. Ustava Bosne i Hercegovine,
- da nije osuđivan za krivično djelo i da se protiv kandidata ne vodi krivični postupak,
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti Federacije Bosne i Hercegovine (“Službene novine Federacije Bosne i Hercegovine”, broj: 70/08),
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- da ima opću zdravstvenu sposobnost za obavljanje poslova za mjesto na koje se kandiduje.

Pored navedenih općih uslova, kandidat koji se imenuje za poziciju Direktora Turističke organizacije Bosansko – podrinjskog kantona Goražde mora ispunjavati i posebne uslove:

- a. da ima završen VSS - VII stepen stručne spreme ili prvi, drugi i treći ciklus Bolonjskog sistema obrazovanja sa najmanje ostvarenih 180 ECTS studijskih bodova, prirodnih, društvenih, tehničkih ili biotehničkih nauka,
- b. da ima najmanje 3 (tri) godine radnog staža nakon sticanja VSS,
- c. da poznaje jedan strani jezik,

Kandidat je u obavezi dostaviti Plan i Program rada za mandatni period za koji se imenuje.

Na poziciju Direktora se ne može imenovati kandidat koji je:

- a. osuđivan za krivična djela i za privredne prijestupe nespojive sa dužnošću direktora, 5 (pet) godina od dana pravosnažnosti presude, uključujući i vrijeme zatvorske kazne;
- b. sudskom presudom ili drugom mjerom isključeni ili im je zabranjeno obavljanje aktivnosti u nadležnosti direktora,
- c. u sukobu interesa u smislu Zakona o sukobu interesa u institucijama vlasti Bosne i Hercegovine,
- d. u finansijskom ili privatnom interesu u instituciji u koju se imenuje,
- e. član Nadzornog odbora u instituciji u koju se imenuje.

Uz prijavu za izbor i imenovanje kandidati su dužni priložiti slijedeću dokumentaciju (originalni dokumenti ili ovjerene kopije dokumenata):

- kraću biografiju, adresu i kontakt telefon,
- uvjerenje o državljanstvu (ne starije od 6 mjeseci),
- rodni list,
- ovjerena izjava kandidata da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od (3) tri godine prije dana objavljivanja upražnjene pozicije,
- ovjerena izjava kandidata da se na njega ne odnosi član IX. 1. Ustava BiH,
- ovjerena izjava da nije osuđivan za krivično djelo protiv imovine, privrede, ustavnog poretka i zloupotrebe službenog položaja,
- uvjerenje nadležnog suda da se protiv kandidata ne vodi krivični postupak (ne starije od 3 mjeseca),
- ovjerena izjava da nije u sukobu interesa u smislu Zakona o sukobu interesa u organima vlasti Federacije Bosne i Hercegovine,
- ovjerena izjava da nije na funkciji u političkoj stranci, u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- ovjerena izjava da nije u privatnom ili finansijskom interesu u instituciji u koju se kandiduje,
- ovjerena izjava da nije član Nadzornog odbora u instituciji u koju se imenuje,
- dokaz o stručnoj spreml,
- dokaz o radnom stažu,
- dokaz o poznavanju stranog jezika
- plan i program rada za mandatni period.

Napomena : Kandidat koji bude odabran i imenovan na naprijed navedenu poziciju naknadno će dostaviti dokaz o općoj zdravstvenoj sposobnosti (ljekarsko uvjerenje).

Kandidati koji budu ušli u uži izbor, biće pozvani na intervju. Podnosioci prijava koji ne budu pozvani na intervju će dobiti pisane odbijenice.

Oglas će biti objavljen u „Službenim novinama Federacije BiH“, na web stranici Vlade Bosansko - podrinjskog Kantona Goražde i jednom dnevnom listu velikog tiraža.

Oglas ostaje otvoren 15 dana od dana posljednjeg javnog objavljivanja u Službenim novinama ili jednom dnevnom listu velikog tiraža.

Prijave sa traženom dokumentacijom je potrebno dostaviti lično ili preporučeno putem pošte na adresu Ministarstvo za privredu Bosansko - podrinjskog kantona Goražde, ul. Maršala Tita br.5, Goražde sa naznakom „Prijava na Javni oglas za izbor i imenovanje Direktora Turističke organizacije Bosansko- podrinjskog kantona Goražde - ne otvaraj“.

Nepotpune i neblagovremene prijave neće se uzeti u razmatranje.

DOSTAVLJENO:

1. Naslovu
2. Evidenciji
3. a/a.



MINISTAR

Zijad Briga